

Ilanngussaqq G



INATSISARTUT

Naalakkersuisut siulittaasuat

Ulloq: 22. oktober 2015

J.nr.: 01.31.11-00015

Aningaasaqarnermut Akileraartarnermullu Ataatsimiititaliamit ataasinngornermi ulloq 26. oktober 2015, nal. 10.00 ataatsimiittarfik 1-imi siunersiorneqarnissamut aggeqqusissut.

2016-imi aningaasanut inatsisissatut siunnersuut pillugu Inatsisartut suleriaasianni § 19 naapertorlugu siunersiorneqarnissamut Naalakkersuisut siulittaasuat Aningaasaqarnermut Akileraartarnermullu Ataatsimiititaliamit matumuuna aggersarneqarpoq. (UKA 2015/7).

Aningaasaqarnermut Ataatsimiititaliap oqaaseqaatai apeqqutaalu:

Aningaasaqarnermut Ataatsimiititaliap 2016-imi aningaasanut inatsisissatut siunnersuummut ilassutitut apeqqutai oqaaseqaataalu matumuuna nassiunneqarput. Ataatsimiititaliap apeqqutaanut Naalakkersuisut akissutaasa Aningaasaqarnermut Ataatsimiititaliamit misissorneqarnerat apeqqutinut pingaarnertut tunngavigineqarpoq.

Tassunga atatillugu apeqqutit makku Naalakkersuisunit akineqarnissaat Aningaasaqarnermut Akileraartarnermullu Ataatsimiititaliamit kissaatigineqarpoq:

Immikkoortut normui taaneqartut ataatsimiititaliap 28. september apeqqutaanut normuliunneqartut assigaat.

3.14. Immikkoortoq 7.1.3, Attaveqarneq – umiarsualiviit mittarfyllu, qupperneq 106

Apeqqut 1:

Ingerlatseqatigiiffiup ilaata tamarmiusulluunniit tunineqarsinnaanerani oqaatiginninnermi ingerlatseqatigiiffiit aalajangersimasut Naalakkersuisunit eqqarsaatigineqarpat?

Mittarfinnik sanaartornissamut aningaasalersuutissanik pisariaqartunik pissarsiniarnerup ilaatut tunisiniarnermut siuliani taaneqartumut tunngatillugu Naalakkersuisut piffissamut pilersaaruteqarpat?

Apeqqut 2:

Ingerlateqatigiiffiit qassit aningaasaateqarpallaarpat aammalu taakku aningaasaateqarpallaarnerannut suna tunngaviua?

5.1 Konto pingarneq 10.01.27 Saammaateqatigiinnissamut Isumalioqatigiissitaq

Saammaasseqatigiinnissamut Isumalioqatigiissitap killiffiit pillugit ukiumoortumik nalunaa-rusaa september 2015-imi saqqummiunneqartoq kingornalu Inatsisartunut ilaasortanut agguanneqartoq akissutiminni Naalakkersuisut innersuussutigaat.

Saammaaseqatigiinnissamut Isumalioqatigiissitap septemberip qaammataani nalunaarusiaata assilinqarnera ataatsimiititaliap qinnutigaa.

5.4 Konto pingaarneq 10.13.10 Iluanaarutit, aktianit piginneqataaffinniit piginneqataasutit tunisinerillu


Kaaviiartitat amerleriarnissaannik Royal Greenlandi naatsorsuuteqartoq Naalackersuisut paasissutissiissutigaat. Taamatut naatsorsuutiginninnerminut suna tunngaviginerlugu Royal Greenlandip paasissutissiissutigaa?

Naalackersuisumik siunersiuinermini allanik aamma apeqquteqarnissani ataatsimiititaliap naatsorsuutigaa.

Ataatsimiititaliap Naalackersuisumik siunersiuinerata Naalackersuisup ataatsimiititaliallu akomanni pingaarnersiulluni tullerriarinerit anguniakkallu pillugit naalackersuinermut tunngasumik oqaloqatigiinnertut sapinngisamik iluseqartinneqartarnissaa Aningaasaqarnermut Ataatsimiititaliamit anguniarneqarpoq. Taamatut oqallinneq ammasumik oqallinnertut sapinngisamik ingerlanneqassaaq.

Kiisalu apeqqutit siuliani allassimasut pillugit allakkiamik kalaallisut danskisullu ataatsimiititaliap Naalackersuisumik siunersiuineranut atatillugu pissarsisinneqarnissani ataatsimiititaliap kissaatigaa. Allakkiap kingusinnerpaamik ataatsimiititaliap Naalackersuisumik siunersiuinerata kinguninngua uunga nassiunneqarnissaa qinnutigineqarpoq: saam@ina.gl. Allakkiap ataatsimiititaliap Naalackersuisumik siunersiuineranut nassarneqarpat atorneqarpallu taassuma nuutinnera ataatsimiititaliap Naalackersuisumik siunersiuinerata aallartinnerani ataatsimiititaliap oqalutnaanut ataatsimiititaliallu allattaanut tunniuteqquneqarpoq.

Ataatsimiititaliap sinnerlugu



Jens Immanuelson

Aningaasaqarnermut Akileraartarnermullu Ataatsimiititaliap Siulittaasua



Uunga: Aningaasaqarnermut Akileraartarnermullu Ataatsimiititaliaq
Inatsisartut
Maani

**Aningaasaqarnermut Akileraartarnermullu Ataatsimiititaliap Naalakkersuisut
Siulittaasuannut ulloq 22. oktober 2015 apeqqutaannut akissuteqaat**

26-10-2015
Sags nr. 2015-117276
Dok. nr. 2049084

Postboks 1015
3900 Nuuk
Tlf. (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl

Siullermik 2016-imut Aningaasanut inatsisissatut siunnersuummut atatillugu ataatsimiititaliap apeqqutaannut 28. septembarimeersunut Naalakkersuisut akissuteqaataannut ilassutaasunik apeqquteqarneranut Aningaasaqarnermut Akileraartarnermullu Ataatsimiititaliaq qutsavigissavara.

Matuma kinguliani apeqqutinut akissuteqaatit apeqqutit ataasiakkaat kinguninnguanni takuneqarsinnaapput:

3.14. Immikkoortoq 7.1.3, Attaveqaqatigiinneq – umiarsualiviit mittarfillu, gupperneq 106

Apeqgut 1:

Ingerlatseqatigiiffiup ilaata tamarmiusulluunniit tunineqarsinnaanerani oqaatiginninnermi ingerlatseqatigiiffiit aalajangersimasut Naalakkersuisunit eqqarsaatigineqarpat?

Mittarfinnik sanaartornissamut aningaasalersuutissanik pisariaqartunik pissarsiniarnerup ilaatut tunisiniarnermut siuliani taaneqartumut tunngatillugu Naalakkersuisut piffissamut pilersaaruteqarpat?

Akissut:

Ingerlatseqatigiiffiup ilaa imaluunniit tamaat tuniniarneqassasoq oqallisigineqarnerani, tamanna siullermik pingaarnertullu politikikkut tapersersorneqartariaqarpoq, peqatigisaanillu paasissutissiinerit tunngavigalugit pisariaqarluni.

Kalaallit Nunaanni suliffeqarfiup ilaannakortumik tamakkiisumilluunniit tuniniarneqarnissaa oqallisigineqaraangat, tamatumani oqaluttuarisaanermi Royal Greenland sammillugu pisarpoq, tassami aktiaatileqatigiiffiit Namminersorlutik Oqartussanit pigineqartut atugassarititaasut niuernermik siunertaqartut tunngavigalugit sulisussaammata ingerlanneqartussaallutillu. Kisianni peqatigisaanik aamma ingerlatseqatigiiffiit inuiaqatigiinni kalaallini annertoorujussuarmik ilaapput, annertunerusumik annikinnerusumilluunniit tunisisinnaaneq isumaliutersuutigeqqissaarneqartariaqarluni aammalu atituumik politikikkut tapersersorneqartariaqarluni.

Ingerlatseqatigiiffinnik Namminersorlutik Oqartussanit pigineqartunik tamakkiisumik ilaannaasumilluunniit tunisinisaaq isumaliutersuutigeqqissaarneqartariaqarpoq.

Kalaallit Nunaanni mittarfinnik sanaartornissamut aningaasalersuinissamut tunngatillugu, ingerlatseqatigiiffimmik tamakkiisumik ilaannaasumilluunniit tunisineq aqputigalugu aningaasalersuinissamut aningaasassarsiniarnissamik, maannakkorpiaq pilersaaruteqartoqanngilaq.

Apeqqu 2:

Ingerlateqatigiiffiit qassit aningaasaateqarpallaarpat aammalu taakku aningaasaateqarpallaarnerannut suna tunngaviua?

Akissut:

Pingaartumik ingerlatseqatigiiffik Namminersorlutik Oqartussanit tamakkiisumik pigineqartoq Tele Greenland aamma ingerlatseqatigiiffik Namminersorlutik Oqartussanit ilaannaasumik pigineqartoq Air Greenland, qaangiisumik aningaasaateqartarput. Ingerlatseqatigiiffiit qaangiisumik aningaasaateqartarnerannut tunngavisoq tassaavoq, sinneqartoortit annertunerpaartaasa imaluunniit tamakkerlugit aningaaserivimmut ikineqaannartarnerat imaluunniit akiitsunik akilersuineranut atorineqartarlutik. Tamatuma kingorna oqaatigineqarsinnaapput aningaasat uninngatiinnarneqartut tassani pineqartut, atorineqaratik, suliffeqarfimmi piviusumik sulitinneqaratik ingerlatseqatigiiffimmi uninngasut.

Ukiorpasuarni Air Greenland aamma Tele Greenland angusanik tulluurtumik annertussusilinnik pingaartumik ingerlatseqatigiiffimmiitinnarneqartunik saqqummiisarput, taamaalillunilu ingerlatseqatigiiffiit qaangiisumik aningaasannortitsiviullutik.

5.1 Konto pingaarneq 10.01.27 Saammaateqatigiinnissamut Isumalioqatigiissitaq

Saammaaseqatigiinnissamut Isumalioqatigiissitaq killiffiit pillugit ukiumoortumik nalunaarusiaa september 2015-imi saqqummiunneqartoq kingornalu Inatsisartunut ilaasortanut agguanneqartoq akissutiminni Naalakkersuisut innersuussutigaat.

Saammaaseqatigiinnissamut Isumalioqatigiissitaq septemberip qaammataani nalunaarusiaata assilineqarnera ataatsimiititaliap qinnutigaa.

Akissut:

Saammaateqatigiinnissamut isumalioqatigiissitaq killiffinnut nalunaarusiaa september 2015-imeersoq nassarneqassaaq ataatsimiinnerullu nalaani agguanneqassalluni.

5.4 Konto pingaarneq 10.13.10 Iluanaarutit, aktianit piginneqataaffinniit piginneqataassutit tunisinerillu

Kaaviiartitat amerleriarnissaannik Royal Greenlandi naatsorsuuteqartoq Naalakkersuisut paasissutissiissutigaa. Taamatut naatsorsuutiginninnerminut suna tunngaviginerlugu Royal Greenlandip paasissutissiissutigaa?

Akissut:


Royal Greenland ilisimatitsivoq angusat ingerlatseqatigiiffimmi qaffakkiartuaartut, tamannalu aamma ingerlatseqatigiiffimmit kingullermik ukiup affaanut kingullermut naleqqiullugu siuarlaat 26 millioniusimasooq nalunaarummi takuneqarsinnaavoq. Royal Greenland-ip siuariartorneranut tunisinermut akigititat qaffasinnerunerat pissutaaneruvoq.

Tamatuma saniatigut angusat ineriartornerat neriulluarnartoq Royal Greenland-imit misigineqartoq, suliannit pingaarnernit, raajat imaani nillertumeersut aamma qalerallit, tunngaveqarput.

Peqatigisaanik oqaatigineqarsinnaavoq ukioq naatsorsuusiorfik kingulleq 2013/14, ingerlatsinermi pingaarnernik suliagarneq siuariartorluni ukiut tullerit sisamassaraat. Tamatuma saniatigut akiitsut erniaqartut annikillisinneqarneranni, periusissiap "The North Atlantic Champion" piviusunngortinneqarnissaanut Royal Greenland-imut periarfissiivoq, aammalu Royal Greenland-ip atlantikup avannaani seafood-inik, pingaartumik raajat imaanit nillertumeersut aamma qalerallit aallullugit, pilersuisunut nunarsuarmi siuttuunerata ingerlaannarnissaa anguniagaavoq.

Taamatut akissuteqarlunga isumasioqatigiilluni ataatsimiinnerup nalaani ataatsimiititaliap oqaluinnarluni oqalliseqatiginissaanut qilanaarpunga.

Inussiarnersumik inuulluaqqusillunga



Kim Kielsen

5. juni 2015

Ukiup qiteqqunnerani akileraartigani 85 millioner kr-t sinneqartoorutaapput

Naak raajartassiissutit ikileriaraluartut sikuuneralu ilungersunartorsiutaagaluartoq Royal Greenland ukiup 2014/2015-ip qiteqqunnerani ilimagisatut angusarissaarluni 85 millioner koruuninik sinneqartooruteqarpoq.

Sinneqartoorutit akileraannginnermi 85 millioner koruuniupput, akileraareernermilu 50 millioner koruuniullutik. Angusaqarluarneq pissutigalugu Royal Greenlandip patajaassusaa suli pitsanngoriartuinnarpoq procentinngorlugu 37-iulluni. Nammineq pigisat 1,2 milliarder koruuniupput.

Akiitsut ernialersukkat nakkutigineqarluartut siornatut inissisimapput, taamalu 1 milliard koruunit suli ataassimallugit.

Ukiup siulianut naleqqiullugu angusatigut pitsanngoriaatit 26 millioner koruuniusut Royal Greenlandip pingaarnertut aallussaaticigut, raajatigut qaleralitsigullu isertitaqaataapput.

Siuariaatit anguneqarsinnaasimapput naak ingerlatsinikkut ilungersunartunik annertuunik nalaataqartoqarsimagaluartoq, tassa raajartassiissutininik annikinnerusunik ukiuuneranilu sikuunerujussuanik taamalu tunisassiorfinnik matusisariaqarallartarnernik aammalu kilisaatit aalisarnerliornerannik kinguneqartumik peqquteqartunik.

Isertitaqarneruneg pingaartumik tuniniaanermi qaffasinnerusunik akeqartitsinermik peqquteqarneruvoq, tunisammi annertussusaat taamaallaat 3 procentinik qaffariaateqarsimammata. Pingaartumillu raajartassiissutit ikilinerat tuniniaanermi akitigut qaffasinnerungaatsiartunik angusaqaataasimavoq.

Qaleralinnit angusat ilorraap tungaanut ingerlapput ilaatigut Upernavik Seafood A/S-imik 2014-imi oktobarip 1-ani tamakkiisumik piginnittuulernerup kinguneranik. Tamakkiisumilli piginnittuulernerup kinguneqarluuatissai ukiup affaata aappaani imaroriarpat aalisartoqarsinnaalerpallu aatsaat takussutissaqartitsilerumaarput.

Aalisakkanik natermiunik Koszalinimi Polenimiittumi tunisassiorneq siuariartortuarsinnarpoq suliffeqarfissuullu isertitaqarneranut ilapittuutaalluarluni.

Barentshavemi saarullit qaqerlaat nerpiinik qeritanik aammalu misaqqarnanik ukiup affaani siullermi tuniniaaneq pisarnertut ingerlanneqanngilaq kilisaat Sisimiut amutsivimmi sivilisuaamik amoqqasariaqarsimammata. Sisimiut-p aalisarnini aprilimi aallartippaa isertitassanilu ukiup 2014/2015-ip affaata aappaani piviusunngortissangatillugit.

Ukiumi isertitassat qaffasinnerulaartut

Naak Kalaallit Nunaata kitaata sineriaani sikuunera aprilimi maajimilu angusatigut kingunerlutsitsigaluartoq Royal Greenlandip ukiumoortumik isertitassai ukiumut 2013/2014-imut naleqqiullugit qaffasinnerulaassapput. Ingerlatsiviup annaasat imaroriarpat iluanaarutinnngortissinnaassallugit ilimagaa.

Annertunerusumik paasisaqarusuttuni pisortaaneq Mikael Thinghuus mobilnormu +45 50 89 30 00-imut sianerfigineqarsinnaavoq.